

Акафист преподобному Корнилию, Крыпецкому чудотворцу

Кондак 1

Избранный от младости на служение Царю Славы, Господу Иисусу, преподобне отче наш Корнилие, миру явивый предивное житие равноангельное, и чудес неисчерпаемое обилие: убожаем и восхваляем тя с любовью, яко заступника нашего и предстателя, емуже зовем: Радуйся, блаженне Корнилие, Крыпецкий молитвенниче и чудотворче.

Икос 1

Ангелов множество удивил еси преславным твоим житием, преподобне Корнилие: от юности бо Господеву благоугождая, странствуя на земли, достиг еси блаженства на небесех, идеже ныне предстои, услыши нас, поющих ти такую:

Радуйся, чистотою сердца младенческаго Христа возлюбивый;

радуйся, Тому до конца жития твоего послуживый.

Радуйся, сотрудниче и сонаследниче возлюбленного ученика Христова;

радуйся, пустынножителя Саввы учениче предобрый.

Радуйся, воине Христов, доблественно диавола победивый;

радуйся, святость жития твоего буйством мнимым сокрывый.

Радуйся, вкушая нине блаженство нищеты духовныя;

радуйся, боголепное украшение Церкви Православныя.

Радуйся, земли Псковския благодарованный предстателю;

радуйся, обители Крыпецкия неусыпный хранителю.

Радуйся, яко дивныя цельбы от гроба твоего источаеши;

радуйся, яко о всех чтущих тя усердно печешися.

Радуйся, блаженне Корнилие, Крыпецкий молитвенниче и чудотворче.

Кондак 2

Видя суету мира сего, от юности, блаженне, монашескую жизнь возлюбил еси, и отроча сый, молитве и службе Божией зело прилежал еси, воспевая дивному во святых Своих Богу: Аллилуиа.

Икос 2

Разум божественный свыше прием, еще трилетен сый, о еже быти тебе истинному служителю Святых Троицы, потщался еси, блаженне, вся земная оставить. Темже вопием ти:

Радуйся, вся красная мира сего ни во чтоже вменивый;

ра́дуйся, Бо́га и бли́жняго па́че себе́ возлюбíвый.
Ра́дуйся, проповéднице молчали́вый ева́нгельскаго благовéстия;
ра́дуйся, свещé, возжéнная Бо́гом, отгоня́ющая мрак нечéстия.
Ра́дуйся, сосúде, испóлненный Дúха Свята́го;
ра́дуйся, звездó, показúющая путь ко спасéнию.
Ра́дуйся, в терпéнии дúшу свою́ стяжа́вый;
ра́дуйся, в челове́цах пречúдное удивлéние.
Ра́дуйся, в мо́ри слез твои́х мно́жество дéмонов потопíвый;
ра́дуйся, моли́твою и постóм полки́ бесóвския устраши́вый.
Ра́дуйся, го́ркия печáли отгонíтелю;
ра́дуйся, скорбя́щих ско́рый услы́шателю.
Ра́дуйся, блаже́нне Корни́лие, Кры́пецкий моли́твеннице и
чудотво́рче.

Кондак 3

Си́ла Вы́шняго ста́до твоé, преблаже́нне, невредíмо на па́жити
сохраня́ше, егда́ ты в хра́ме Бо́жием воспева́л еси́ Па́стырю́ до́брому:
Аллилу́иа.

Икос 3

Име́я от ю́ности неусы́пное попечéние о стяжа́нии в се́рдцы своéм
Дúха Свята́го, прите́кл еси́, óтче Корни́лие, во оби́тель преподо́бнаго
Са́ввы, и та́мо приéм óбраз ино́ческий, усéрдно подвизáлся еси́. Мы же,
дивя́щиеся пла́менной любви́ твоéй ко Го́споду, со стра́хом и любви́ю
вопиéм:

Ра́дуйся, вы́шняя красоты́ и сла́дости па́че земны́х возжела́вый;
ра́дуйся, всем се́рдцем твои́м еди́наго Бо́га возлюбíвый.
Ра́дуйся, да́нный тебе́ тала́нт преумно́живый;
ра́дуйся, до́брый де́лателью са́да Бо́жия.
Ра́дуйся, вся красáя ми́ра до́льняго презрэ́вый;
ра́дуйся, венец нетлéнный восприéмый.
Ра́дуйся, смире́ния и кро́тости учите́лю;
ра́дуйся, незло́бия и терпéния наста́вниче.
Ра́дуйся, предста́телю о нас пред Бо́гом при́сный;
ра́дуйся, бесóвския си́лы прогонíтелю хра́брый.
Ра́дуйся, боля́щих здра́вие и врачевáние;
ра́дуйся, бе́дствующих защи́тителю и помо́щниче.
Ра́дуйся, блаже́нне Корни́лие, Кры́пецкий моли́твеннице и
чудотво́рче.

Кондак 4

Бўрю волнўющагося мўря житёйскаго шёствовал еси, преподўбне, дўндеже безбёдно благодатию Бўжиею достўгл ёси вечноблажённаго пристанища спасёния, идёже со Ангелы и всёмии святыми поёши Бўгу: Аллилўиа.

Икос 4

Слўшаша и видёша иноцы обитёли святаго Саввы, яко имаши, преподўбне, обилие благодати Бўжия, егда стадо безсловёсных, тобою пасомое, прўйде стезёю малою сквозё сэяния, никакоже вредив их. Семў дивящёся, вопиём ти такобая:

Радуйся, ревнителю жития богоугоднаго;

радуйся, явивый житие равноангельное.

Радуйся, всего себе в Господню волю предавый;

радуйся, узы Христовы на ся возложивый.

Радуйся, терпением скорбей на небесех благая улучивый;

радуйся, богатство превёчное нищетой вольною стяжавый.

Радуйся, в бедах и скорбех дивный помощник;

радуйся, о всех нас к Бўгу вёрный ходатаю.

Радуйся, отрадо и увеселение к тебе прибегающим;

радуйся, молящимся у мощей твоих пресладкое утешение.

Радуйся, Бўжию славу умноживый труды твоими;

радуйся, пустыни Крыпецкия предоброое украшение.

Радуйся, блаженне Корнилие, Крыпецкий молитвенник и чудотворче.

Кондак 5

Боготочная Крўвь Владычня всегда напаяше душу твою, преподўбне, изымаючи ю от работы вражия; ты же распалаяся любовию ко Господу, непрестанно пел еси Тому: Аллилўиа.

Икос 5

Виде юродивый Василий тя, блаженне, неграмотна сўща, и тем укори тя. Ты же, отче Корнилие, отвещал еси дерзновённо: «Еже птицы глаголют, и то аз ведаю». Сего ради, прославляюще Бўга, даровавшаго тебе неземную мудрость, тако воспеваем:

Радуйся, не грамотою человеческою, но премудростию Бўжиею наставленный;

радуйся, подвижнике прозорливый и богопрославленный.

Радуйся, в кротости и смирении Христу Бўгу подражавый;

ра́дуйся, терпе́нием поноше́ний Йо́ву себѣ уподо́бивый.

Ра́дуйся, скорбя́щих о неправде ско́рое услы́шание;

ра́дуйся, печа́льми обуева́емым тѣхое приста́нище.

Ра́дуйся, моли́твою твоѣю от ну́жды избавля́я;

ра́дуйся, от тяжкаго сна грехо́внаго пробужда́я.

Ра́дуйся, любве́ Христо́вы и́стинный храните́лю;

ра́дуйся, всяким о́бразом Влады́це твоѣму́ угоди́вый.

Ра́дуйся, правосла́вныя ве́ры лучеза́рный свети́льниче;

ра́дуйся, Святы́я Це́ркве похвало́ и ра́дование.

Ра́дуйся, блаже́нне Корни́лие, Кры́пецкий моли́твенниче и чудотво́рче.

Кондак 6

Пропове́дник дѣвнѣй и́стиннаго богове́дения и благоче́стия яви́лся еси́, блаже́нне, не то́кмо во оби́тели Кры́пецкой, но и во всей земли́ Пско́вской; те́мже у́бо наста́ви и нас на путь спаси́тельный, да и мы вопие́м ко Го́споду: Аллилу́иа.

Икос 6

Возсия́вша благода́тна свети́льника яви́ тя Госпо́дь, егда́ твои́ми моли́твами, о́тче Корни́лие, спасѣна бысть от ги́бели пу́стынь Кры́пецкая; сегó ра́ди тебѣ, о нас ходатаю те́плону, благода́рственно вопие́м тако́вая:

Ра́дуйся, я́ко моли́твою оби́тель Кры́пецкую при́сно огражда́еши;

ра́дуйся, я́ко и ны́не гнев Бо́жий на ми́лость прелага́еши.

Ра́дуйся, земли́ Пско́вския прозяба́ние пречестно́е;

ра́дуйся, кла́дязю, от него́же напая́ем ду́ши на́ша.

Ра́дуйся, дре́вним подви́жником благоче́стия подража́вый;

ра́дуйся, похвало́ мона́хов благоговѣ́йных.

Ра́дуйся, зерца́ло соверше́ннаго терпе́ния;

ра́дуйся, о́бразе и́стиннаго смире́ния.

Ра́дуйся, та́йная и бу́дущая прови́девый;

ра́дуйся, немощны́м и стра́ждущим целѣбниче.

Ра́дуйся, и́щущим предста́тельства неусы́пный засту́пниче;

ра́дуйся, на земли́ и на небеси́ Бо́гом просла́вленный.

Ра́дуйся, блаже́нне Корни́лие, Кры́пецкий моли́твенниче и чудотво́рче.

Кондак 7

Хотящу тебе благоугодити Творцу своему, не седмый токмо, но всякий день жития твоего освящал еси, начертавая в сердца Имя Господа Бога твоего, устны же непрестанно воспевая Ему: Аллилуиа.

Икос 7

Новый воистину Даниил явился еси, преподобне Корнилие, провидев грядущия судьбы державы Российския: сим и нас к покаянию возстави. Мы же, тайнозрению твоему дивящися, со умилением тебе приносим сицевая:

Радуйся, провидче дерзновенный и предивный;
радуйся, ведый дальняя, яко близ сущая.
Радуйся, будущая яко настоящая прорицаая;
радуйся, прегрешения сокровенныя прозорливо обличаяя.
Радуйся, покаянием от бед избавлятися научаяя;
радуйся, надеждою на милость Божию окривляяя.
Радуйся, уныния от душ наших прогонителю;
радуйся, яко тобою милосердия Божия бездну призываем.
Радуйся, велений Господних усердный послушнике;
радуйся, о спасении людей земли Русския богоугодный
молитвеннике.
Радуйся, храме живый Пресвятаго Духа;
радуйся, единого Истиннаго Бога верный поклоннике.
Радуйся, блаженне Корнилие, Крыпецкий молитвеннике и
чудотворче.

Кондак 8

Странное и неизреченное смирение к нам низшедшаго Бога Слова подражая, блаженне, сам исполнился еси великаго смирения и незлобия. Испроси убо сию боголюбезную добродетель и нам, одержимым гордынею, да и мы в смирении и кротости воспойм Богу: Аллилуиа.

Икос 8

Всем притекающим к священной раце мощей твоих воистину еси ходатай и молитвенник ко Господу, преподобне Корнилие, темже обилие чудес твоих всех подвизает вопити в похвалу тебе сицевая:

Радуйся, свеще неугасимая, молитвою пламенеющая;
радуйся, светильнике, тьму греховную озаряяя.
Радуйся, злато, седмерицею от скверны очищенное;
радуйся, источнике, нечистоту душ наших омываяяя.

Ра́дуйся, розго́ доброплóдная лозы́ Христовы́;
ра́дуйся, горó, добродéтелями небéс досяза́ющая.
Ра́дуйся, я́ко тобо́ю вёрнии страстéй безчéстных избавля́ются;
ра́дуйся, я́ко тобо́ю к пока́нию грéшнии подвиза́ются.
Ра́дуйся, боля́щих, врачми́ оста́вленных, исцелителю́;
ра́дуйся, жити́ю благона́вному научителю́.
Ра́дуйся, любя́щим и чту́щим тя ходата́ю спасéния;
ра́дуйся, причáстниче сла́вы грядúщаго воскресéния.
Ра́дуйся, блажéнне Корни́лие, Кры́пецкий моли́твенниче и
чудотво́рче.

Кондак 9

Вся́кий по́мысл к Бо́гу возводя́, блажéнне, обогати́лся еси́ мно́гими дарова́ньми духо́вными. Потщи́ся у́бо испроси́ти и нам, óтче Корни́лие, во благовре́мени вся, я́же к вéчной жи́зни потрі́бная, да с тобо́ю кúпно в селéнии пра́ведных воспо́им Бо́гу: Аллилу́иа.

Икос 9

Ветия́ суемúдренныя ми́ра сегó ви́дим тобо́ю посра́мленныя, преподо́бне, егда́ Сам Бог просла́ви тя в Це́ркви земно́й и небéсней, изли́яв на тя оби́лие благода́ти Своея́. Те́мже мо́лим тя: не отрини зовúщих ти любóвию тако́вая:

Ра́дуйся, о любви́, Хри́стом заповéданней, ревни́телю бла́гостный;
ра́дуйся, ра́ди благ небéсных презрэ́вый вся земны́я сла́дости.
Ра́дуйся, о почита́ющих па́мять твою́ вьну́ моля́йся;
ра́дуйся, мона́шествующих в по́двизех укрепля́й.
Ра́дуйся, обли́чителю вся́каго нечéстия;
ра́дуйся, до́брый се́ятелю́ благочéстия.
Ра́дуйся, на пра́выя стези́ всех наставля́й;
ра́дуйся, путь ве́ры и наде́жды нам указу́й.
Ра́дуйся, Ду́ха Божéственнаго селéние;
ра́дуйся, испо́лненный крóтости и смире́ния.
Ра́дуйся, ве́лие к Бо́гу имы́й дерзнове́ние;
ра́дуйся, всех христиа́н удобре́ние.
Ра́дуйся, блажéнне Корни́лие, Кры́пецкий моли́твенниче и
чудотво́рче.

Кондак 10

Спасти́ хотя́ ду́шу свою́, преподо́бне, подъя́л еси́ многотру́дныя по́двиги мона́шества и ю́родства, смири́в себе́ да́же до сме́рти; сегó

ради Сам Господь превознесё имя твоё, паче многих сверстник твоих.
Мы же, славяще дивнаго во святых Своих Бога, вопиём Ему: Аллилуиа.

Икос 10

Стенá еси́ всем прибега́ющим к твоёму́ предста́тельству, блаже́нне Корни́лие, те́мже и нас, в добродела́нии убо́гих, оградí от де́монскаго ополче́ния, свобожда́я от скорбе́й, болезней и нужд многоразли́чных, да с ве́рою тебе́ моля́щаяся, взыва́ем си́це:

Ра́дуйся, я́ко ве́ру непоро́чну соблю́л еси́;

ра́дуйся, я́ко су́етная и тле́нная попрáл еси́.

Ра́дуйся, се́рдце от за́висти и зло́бы очи́стивый;

ра́дуйся, ру́це лихоима́нием и хище́нием не оскверни́вый.

Ра́дуйся, во е́же не суди́ти бра́та, язы́к свой обузда́вый;

ра́дуйся, от страсте́й поги́бельных нас избавля́яй.

Ра́дуйся, диа́вола мучи́теля посрамле́ние;

ра́дуйся, вражду́ющих благо́е примире́ние.

Ра́дуйся, звездó пресве́тлая, во Псковской земл́и просия́вшая;

ра́дуйся, уго́днице Бо́жий и́стинный.

Ра́дуйся, в напа́стех и во бра́ни помога́яй;

ра́дуйся, сокрови́ще нетле́нное моли́твами твои́ми подава́яй.

Ра́дуйся, блаже́нне Корни́лие, Кры́пецкий моли́твенниче и чудотво́рче.

Кондак 11

Пе́нием вся́ким прославля́л еси́ Бо́га Преве́чнаго, всеблаже́нне, живы́й на земл́и, от нея́же в день предуве́денный пресе́лся в ве́чную оби́тель небе́сную, та́мо непреста́нно во дни невече́рнем славосло́виши Святу́ю Тро́ицу, взыва́я: Аллилуиа.

Икос 11

Многосве́тлыми луча́ми, о́тче Корни́лие, сия́ху мо́щи тво́я чудесы́ мно́гими из-под спуда́, иде́же де́вятьдесят и четы́ре ле́та пребы́ваху. Егда́ же благоволи́ Господь, испо́лнися проро́чествие твоё о ра́дости сугубе́й: утише́нии бе́дствий на Руси́ и обрете́нии моще́й твоих. Те́мже дерза́ем пе́ти тебе́ си́це:

Ра́дуйся, гряду́щаго в жити́й земне́м предска́зателю нело́жный;

ра́дуйся, Бо́жиих суде́б тайнозри́телю предивный.

Ра́дуйся, я́ко с ве́рою тече́ние до́бре сконча́л еси́;

ра́дуйся, я́ко испо́лнися тобо́ю прорече́нное в земл́и Ру́сской.

Ра́дуйся, а́ки учени́к возлю́бленный Христа́ возлюбивый;

ра́дуйся, ко грядúщему Гра́ду Небе́сному ве́рный путево́дителю.
Ра́дуйся, дру́га Бо́жия преподо́бнаго Са́вы прísный дру́же;
ра́дуйся, досто́йный по благода́ти его́ преёмниче.
Ра́дуйся, мно́жеством чудес от Го́спода просла́вленный;
ра́дуйся, помо́щниче всем тре́бующим твоея́ по́мощи.
Ра́дуйся, заре́, временá безбе́дная предуказу́ющая;
ра́дуйся, безнаде́жных утешéние и наде́яние.

Ра́дуйся, блаже́нне Корни́лие, Кры́пецкий моли́твенниче и чудотво́рче.

Кондак 12

Благода́ть, да́нную ти от Бо́га, зрим, блаже́нне, я́ко ещё́ съи́и на земли́, помога́л еси́ всем к тебе́ притека́ющим; те́мже и нас не оста́ви в ну́ждах, ско́рбех и болезнех, и вся́ на́ша я́же ко спасéнию проше́ния услы́ши, да благода́рно вопие́м Бо́гу: Аллилу́иа.

Икос 12

Пою́ще чу́дная дела́ Бо́жия, на земли́ Ру́сской твои́м неусы́пным предста́тельством явлéнная, взывáем ти, преподо́бне о́тче наш Корни́лие: буди́ всегда́ о вся́ком де́ле бла́зе ско́рый ходата́й, нам зову́щим ти с любóвию такова́я:

Ра́дуйся, не в гада́нии, но лицéм к лицу́ созерца́яй Бо́га;
ра́дуйся, свéтлая луче́, направля́ющая к Ца́рствию Бо́жию.
Ра́дуйся, прелюби́мый ино́ков наста́вниче;
ра́дуйся, в жизнь ве́чную всем ка́ющимся путево́дителю.
Ра́дуйся, я́ко душевре́дное уны́ние ско́ро истребля́еши;
ра́дуйся, я́ко мир Христо́в в сердца́х водворя́еши.
Ра́дуйся, неусы́пный засту́пниче лю́дем псковским;
ра́дуйся, похвало́ и утвержде́ние преде́л се́верных.
Ра́дуйся, я́ко твои́ми моли́твами ми́лость Господня́ явля́ется;
ра́дуйся, о спасéнии держа́вы Росси́йска дерзнове́нный проси́телю.
Ра́дуйся, о ве́рных ча́дех ма́тере Це́ркве попечи́телю;
ра́дуйся, о всех призыва́ющих тя в моли́твах те́плый ходата́ю.

Ра́дуйся, блаже́нне Корни́лие, Кры́пецкий моли́твенниче и чудотво́рче.

Кондак 13

О́ всехва́льный, преблаже́нный уго́дниче Бо́жий и предивный чудотво́рче, преподо́бне о́тче наш Корни́лие, приими́ от нас ны́не по си́ле приносíмое тебе́ молéние, и богоприятным твои́м

предстательством избави нас от всякаго зла, утверди в православней вере и вечныя изми муки, да сподобимся вкупе с тобою в радости блаженней воспевати Богу: Аллилуиа.

Моли́тва

О святы́й, преблаже́нный и богопросла́вленный уго́днице и чудотворче, преподо́бне о́тче наш Корни́лие, ско́рый помо́щнице и усердный засту́пнице всех, с ве́рою и любо́вию к тебе́ прибега́ющих! Ты от ю́ности твоея́ мир су́етный возненави́дел еси́, избра́в ко спасе́нию и к Ца́рствию Небе́сному путь до́блественный мона́шества и Христа́ ради юро́дства; прише́д же во оби́тель [сию́] свята́го Са́ввы, и в ней трудолю́бно и богоуго́дне подвиза́вся, Го́рняго Си́она дости́гл еси́. Ублажа́юще у́бо тя, пра́ведный челове́че Бо́жий, про́сим и мо́лим: испроси́ нам у Созда́теля на́шего вели́кия и богаты́я да́ры бла́гости Его́: земли́ благопло́дие, возду́ха благорастворе́ние, дожди́ благовре́менны; мир во днех на́ших, и благоче́стия умноже́ние: боля́щим здра́вие, скорбя́щим утеше́ние, уныва́ющим ободрение́, си́рым по́мощь, убо́гим снабде́ние, подвиза́ющимся преспе́яние, умира́ющим благу́ю христиа́нскую кончи́ну, и всем правове́рующим ве́чное спасе́ние; держа́ву же на́шу и град сей [или́: весь сию́, или́: свята́ю оби́тель сию́] соблюди́ в ми́ре и благоустро́ении. Ей, уго́днице Бо́жий, не посрами́ упова́ния на́шего, но яви́ нам свято́е твоё заступле́ние, да велича́ем тя немол́чно, я́ко вели́каго предстате́ля на́шего, и прославля́ем неизрече́нное человеколю́бие дивна́го во святы́х Свои́х Трине́днаго Бо́га, Отца́ и Сы́на и Свята́го Ду́ха, во ве́ки веко́в. Ами́нь.